

DÊPÄ TÎ PÖPÖKÖDÖRÖ TÎ NDIÄ TÎ BATA NENGÖ TERÊ TÎ ZO

TAKAPA

Na hĩngängö bíanĩ atene nengö terê tî zo na lĩngbĩngö terê tî ángangü tî lo laâ sî ayeke na gũndâ tî zarä , tî nzõnĩ ngbanga na tî sîrĩrĩ na ndö tî dũnía,

Na hĩngängö nĩ pẽpẽe na kengö ándiä tî bata nengö terê tî zo laâ adũ kpälẽ tî birä sô abi ngonzo na bê tî áhalẽzo, ngâ sî gängö tî mbênĩ finĩ ködörö sô áhalẽzo kũe alĩngbi tî tene tẽnẽ tî bê tî ála, tî mabê tî ála afa nĩ tóngana taâ kötä bẽkũ tî ázo tî ndö tî gĩgĩ,

Ayeke kötä yê mĩngi tî tene azĩ lẽ na ndö tî ándiä tî bata nengö terê tî zo gĩ na lengö mbênĩ gerê tî ndiä ndáli tî siõnĩ sêgbiä na lengö pási,

Na hĩngängö nĩ atene ayeke kötä yê mĩngi tî mũ ngangü na mãingö tî lengö söngö na pöpö tî ködörö ndê ndê,

Na hĩngängö nĩ atene na yâ tî sêndiä halẽzo tî bẽndo tî gĩgĩ afa tî finĩ nĩ mabê tî ála na átaâ ndiä tî zo , na nengö terê ngâ na kötä tî zo na lĩngbĩngö terê tî ángangü tî kôlĩ na wâlĩ, sî ála atene ânĩ yeke sâra ngangü kũe tî mãingö tî sêduti tî zo na lengö ánzõnĩ lęgẽ tî duti na yâ tî mbênĩ kötä zarä ,

Na hĩngängö nĩ atene áködörö sô abũngbi amũ yângâ tî lẽ kpengö ndiä tî bata nengö terê tî zo na zarä tî lo na yâ tî kua tî maboko na maboko na bũngbi tî bẽndo tî gĩgĩ,

Na hĩngängö atene mãngbĩngö bê na ándiä sô na ázarä sô ngâ ayeke bíanĩ ngangü yê mĩngi tî sâra kua sô gĩ na pekö tî yângâ sô ála mũ,

Kötä Lĩngö

Avũnga

Dêpä tî pöpöködörö tî bätängö nengö terê tî zo sô

tóngana kunibê sô halẽzo na áködörö kũe alĩngbi tî wara, sî ázo kũe ngâ na ákũndũ tî boso kũe asâra ngangü, na lęgẽ tî fängö mbetĩ na fängö-ndo, tî lẽ kpengö ándiä na ázarä sô ngâ tî sâra na kodẽ tî ándiä tî ködörö wala tî pöpöködörö tî tene ayêka nĩ ngâ sî alẽ tambũla nĩ na ndo kũe, na pöpö tî halẽzo na letäa nĩ sô alũ mbere nĩ, tóngana ála sô angbâ na gbe tî lẽ tî ála.

Sura 1

Adũ ázo kũe yamba, ngâ ála lĩngbi terê na lęgẽ tî nengö-terê na tî ángangü. Ala kũe awara ndarä na börö-li sî ála lĩngbi tî duti na ámbâ tî ála gĩ na lengö söngö.

Sura 2

Zo ôko ôko alĩngbi tî pĩka kate na ndö tî ángangü sô dêpä avũnga, na sārängö kángbi ôko pẽpẽ wala na ndö tî tenẽ tî marä, wala tî nzoroko tî terê wala tî ndiä wala tî kôlĩ na wâlĩ tî yângâ ködörö wala tî mosoro, tî ndo tî dũngö wala tî marä duti,

Na ndõnĩ kũe, alĩngbi tî sâra mbênĩ kángbi ôko pẽpẽ sô alöndö na ndö tî tẽnẽ tî porosö wala tî ndiä wala tî pöpöködörö, tî mbênĩ zo wala tî mbênĩ ködörö nĩ sô alĩngbi tî duti lipandä wala na gbe lẽ tî mbênĩ ködörö wala sô ayeke na kpälẽ tî sêgbiä.

Sura 3

Zo kũe ayeke na ngangü tî duti na finĩ tî lo, tî duti yamba na tî duti na mbeto tî wara siõnĩ pẽpẽe.

Sura 4

Zo ôko alĩngbi tî duti na gbe tî ngbâa pẽpẽe. Akanga lęgẽ bíanĩ na duti tî ngbâa ngâ na dengö buzẽ tî kängö zo na ngbâa.

Sura 5

Zo ôko alĩngbi tî sâra mbâ tî lo na pási tî ponõn wala na pási tî finõn pẽpẽe.

Sura 6

Zo kũe ayeke na ngangü tî tene ndiä abata lo na ásiõnĩ lâkũe na ndo kũe.

Sura 7

Azo kũe alĩngbi terê na lẽ tî ndiä, ngâ ála yeke na ngangü lęgẽ ôko na sārängö kángbi ôko

pépée. Amû na âla ngangü na sêbätängö terê lêgê ôko, na tënë tî kângbi tî marä sô alîngbi tî fîngi dëpä sô ngâ na tënë tî gîngö lêgê tî kângbi tî marä sô.

Sura 8

Zo kûê alîngbi tî lî ngbanga na âdangbanga tî ködörö tî lo tîngana âzo akpê pépée ângangü sô sêndiä tî ködörö tî lo amû na lo.

Sura 9

Alîngbi ôko pépée tî gbû zo na kânga wala tî bata lo na kânga wala tî tokua zo yongôro na ködörö tî lo gî sêngê sêngê, tîngana ndâ nî ayeke da pépée.

Sura 10

Zo kûê ayeke na ngangü, lêgê ôko na âmbâ tî lo, tî tene amä polêlê tënë tî yângâ tî lo na lê tî boro ngbanga sô fadê afa ânde wala ângangü wala âkuandiä tî lo wala tîngana pängö îrî na tënë sô alî ngbanga da na ndö tî lo sô ayeke mbîrîmbîrî.

Sura 11

Zo kûê sô apä îrî tî lo na ndö tî mbênî kpälê angbâ mokondö asî na ngôî sô afa na lêgê tî ndiä atene lo sâra siônî, na lê tî mbênî ngbanga tî polêlê sô âwakokö kûê adu da na pekö tî lo.

Alîngbi pépée tî kânga zo ndâlî tî âyê sô lo sâra wala tî bégirisa sô, na ngôî sô asî sô, ndiä tî ködörö wala ndiä tî pöpöködörö afa nî tîngana kpälê pépée. Lêgê ôko, alîngbi tî dîko pépée mbênî ponön sô akono ahön ndö tî lo sô ayeke dë ka nî na ngôî sô zo asâra kpälê sô.

Sura 12

Alîngbi ôko pépée tî yôro terê na mbänä na yâ tî sêduti tî zo wala tî sêwa tî lo wala tî da tî lo wala tî dîko mbëtîsû tî lo. Alîngbi pépée tî buba îrî tî zo ngâ na wüngö tî îrî tî lo. Zo kûê ayeke na ngangü tî tene ndiä abata lo ngbanga tî âmarä kpälê tîngasö.

Sura 13

Zo kûê ayeke na ngangü tî fonon yamba na yâ tî ködörösêse kûê. Lo yeke ngâ na ngangü tî soro ndo tî duti tî lo na yâ tî mbênî ködörösêse.

Zo kûê ayeke na ngangü tî sigî na yâ tî ködörösêse kûê atâ adu ködörö tî lo, ngâ tî kîri na ködörö nî tîngana sô bê tî lo ayê.

Sura 14

Na yâ tî ponön tî hongando, amû lêgê na zo kûê tî gi ndo tî duti da ngâ lo lîngbi tî wara nî na ködörö wandê.

Alîngbi pépée tî mû ngangü sô na wakpälê tî fängö zo wala na zo tî särängö âyê sô ague pépée na lêgê tî âpo na âkunibê tî bûngbi tî bendo tî gîgî.

Sura 15

Amû ngangü na zo kûê tî tene lo du zo tî mbênî ködörösêse.

Alîngbi pépée tî gbânzi mbênî zo na mbänä tî du waködörösêse ngâ na ngangü tî gbîan ködörösêse tî lo.

Sura 16

Asî na ngôî sô âla lîngbi tî mû terê, amû ngangü na kôlî na wâlî tî mû terê tîngana kôlî na wâlî, sî âla lê sewä sêngê, tënë tî marä wala tî ködörösêse wala tî mabê alîngbi tî kânga lêgê nî pépée. Na mbâgê tî müngö terê, amû ngangü, lêgê ôko na kôlî na wâlî na yâ tî dutîngö tî âla ngâ na kângbîngö tî âla.

Kôlî na wâlî alîngbi tî mû terê gî tîngana bê tî âla ûse kûê ayê tënë nî bianî.

Sewä ayeke na gûndâ tî halêzo. Ni laâ, amû ngangü na letäa ngâ na âzo kûê tî tene âla bata nî ngangü.

Sura 17

Zo kûê wala lo duti na bôsôngbi wala lo duti lo ôko ayeke na ngangü tî wara âkûngbâ tî lo mvenî.

Alîngbi pépée tî mû âkûngba tî mbênî zo na ngangü na maboko tî lo.

Sura 18

Amû na zo kûe zarä tî bibê, tî boro-li na tî mähê ; ngangü sô afa atene zo kûe ayeke na zarä tî gbïan mähê tî lo, wala bibê tî lo ngâ na zarä tî fa polêlê mähê ti lo, lo ôko wala na yâ tî mbênî bûngbi, polêlê wala koiko, na légê tî fängö mbëtî, tî sārängö yê, tî vöröngö nzapâ ngâ na sārängö ângôbo.

Sura 19

Amû na zo kûe ngangü tî zarä tî bibê na tî sārängö tënë. Sô atene alîngbi tî doroko zo pëpëe ndâli tî âbibê tî lo. Amû ngâ na zo kûe ngangü tî gi, tî wara na tî vûnga âsango na âkodê na âmarä légê kûe, na zïängö bê pëpëe na ndô tî tënë tî âmekä.

Sura 20

Amû na zo kûe ngangü tî zarä tî gbê lîngö, tî lî na yâ tî bôsôngbi tî sîrîrî.

Alîngbi pëpëe tî gbû zo na ngangü tî lî na yâ tî mbênî bôsôngbi.

Sura 21

Amû na zo kûe ngangü tî sâra kua tî lêngö ködörö tî lo, wala lo mvenî wala na légê tî âwasêlê sô asoro âla yamba.

Amû na zo kûe ngangü tî wara kua na yâ tî ndokua tî letäa, légê ôko na âmbâ tî lo.

Kunibê tî halêzo ayeke na gündâ tî ngangü tî awalêngö ködörö. Kunibê sô alîngbi tî fa gi na légê tî aboro soro sô ayeke bâa gîgî ngôî na ngôî, na légê tî gbegö mobimba ngâ na köbö soro wala na mbênî ngôbo sô amû ngangü tî zarä tî soro.

Sura 22

Zo kûe tóngana wabôso tî halêzo ayeke na ngangü na kodëkua tî bätängö terê. Alöndö na âbängö nzönî na pekô tî ângangü tî mosoro, tî zängbingörö terê, tî ndara sô ayeke kötâ yê ndâli tî nëngö terê na boro mäïngö tî sêterê tî lo; gi na légê tî gbüngö mbîrîmbîri kua tî ködörö ngâ na tî tängbingö kua na âködörö wandê sô abâa dôngôngbi na môsôrö tî ködörö ôko ôko.

Sura 23

Amû na zo kûe ngangü tî sâra kua, na zarä tî söröngö kua tî bê tî lo, na yâ tî boro ngâ na nzönî gerê tî kua. Alîngbi ngâ tî bata zo ngbanga tî tënë tî ponön tî sārängö kua pëpëe.

Zo kûe alîngbi tî wara boro nginza tî kua sô alîngbi na kua sô lo sâra

Zo sô asâra kua alîngbi tî wara boro nginza tî kua sô alîngbi tî tene lo na âsëwä tî lo aduti na yâ tî nëngö terê. Na ndönî kûe, amû na lo anzîna ngangü tî sêbätängö terê.

Zo kûe awara ngangü tî kîi na âmbâ tî lo âbûngbi tî âwakua, ngâ tî lî bûngbi na âmbênî âbûngbi tî âwakua ngbanga tî gbüngö kokö tî âla.

Sura 24

Amû na zo kûe ngangü tî woterê tî lo, tî sâra ngîâ ngâ. Sô atene alîngbi tî dë gi na légê nî lăngö kăpă tî kua ngâ na âlăngö tî wöngö terê sô afûta nî.

Sura 25

Zo kûe alîngbi tî wara nginza sô alîngbi na lo sî lo lë sênî tî lo, nzönî dutî tî lo ngâ na tî sewä tî lo bianî na légê tî têngö kôbe, yüngö bongö, mûngö yoro ngâ na zängbingö terê. Amû na lo ngangü tî bâa nzönî na légê tî zängbingö terê na ngôî sô lo du na kua pëpëe, wala na ngôî tî söngö terê wala ngbanga tî zën, wala ngbanga tî ndü, tî kangba wala na yâ tî âmbênî ngôî sô zo nî ayeke na mbênî légê tî bätängö na finî tî lo pëpëe, na pekô tî âmbênî siökpälê sô asî na lo.

Awâli tî ngo na âmolengê tî âla alîngbi tî wara taâ nzönî na kua tî zängbingö ndo. Amôlengê kûe, wala adû âla na yâ tî mûngö terê wala adû âla da pëpëe ayeke na ngangü na nî légê ôko.

Sura 26

Amû na zo kûe ngangü tî mändängö mbetî. Ayeke fûta mändängö mbetî nî pëpëe, mbîrîmbîrî na âkêtê dambëtî. Mändängö kodëyê na kodëkua alîngbi tî gbû ndo kûe. Zo kûe alîngbi tî manda mbetî na kötâ dambëtî, gi na légê tî kodê tî lo na hîngängö ndo tî lo.

Fängö mbetî alîngbi tî gue na légê tî kono sêterê tî âzo ngâ tî kono ndiä tî bätängö nëngö terê tî âzo . Lo lîngbi ngâ tî mû légê tî kpêngba mângö terê, vürüngö bê na sôngö na pöpö tî âködörösêse tî âmarä wala âmabê ndê ndê ngâ na mäïngö âkua tî bûngbi tî bëndö tî gîgî ngbanga

tî bata sîrîrî.

Awadüngö môlengê âmvenî alîngbi tî soro yamba kodê lêgé tî fängö hîngägö ndo na âmôlengê tî âla.

Sura 27

Zo kûê ayeke na ngangü tî lê kua tî sêndâgao tî âsöngö tî lo, tî tene lo wara âpendere yê tî ködörö tî lo na lo zîa mabôko na mäïngö tî âsêndâyê ngâ na lo bâa nzônî na pekô nî.

Amû na zo ôko ôko ngangü tî sêbätängö ânzônî yê tî lo sô alîngbi tî dutî âkûngbâ wala âbibê ti lo-mvenî. Anzônî yê sô alîngbi tî löndö na pekô tî âkodëkua, asêndâyê, âsêndâsû wala tî sêndägao sô lo mvenî lo sâra.

Sura 28

Tî tene âzo akpê ângangü sô afa ge sô, ayeke nzônî mbênî dôngôngbi adu da sô alîngbi tî bata nî. Dôngôngbi sô alîngbi tî dutî na yâ tî ködörö nî tòngana na yâ tî dúnîa mobimba.

Sura 29

Zo ayeke na âhonga na mbâgê tî bôso sô lo du da sî lo mâi da yamba . Nî laâ sî alîngbi tî mû na lo lêgé tî tene sêterê tî lo amâi nzônî bîanî.

Ndiâ alîngbi tî lê ângangü tî bätängö nëngö terê tî zo . Lo lingbi ngâ tî mû lêgé na zo ôko ôko tî kpê âmbâ tî lo ngâ tî tene âmbâ tî lo akpê lo.

ângangü sô na âzarä sô alîngbi ôko pëpë tî fîngi âwêsêlô, âpö, na gbegôndiä tî bûngbi tî bêndo tî gîgî mobimba.

Sura 30

Mbênî ködörösêse ôko pëpëe wala mbênî zo tî gîgî ôko alîngbi pëpëe tî buba lêgé tî ândiä sô afa ge na yâ tî mbêtî-dêpä sô.